



屎缸烏蠅——落絡咧

一陣香氣，鑽對鼻公入，敏感个神經線一下斯綁緬，過綁緬。「還香哦，這屎缸味瑞！」
 踈緊該陣香氣，魴神牽緊个樣，飛入這慢車个車廂肚。

車門一關，一管冷風隨對頭那頂冲落來，打散香氣，拈醒魴神个個。壞咧，死皺咧！該熟事个泥肉，深入骨髓肚个屎肥味瑞，像當在放映中个電影，玄玄風停電，剝影無撇咧。拔翼，個煞猛拔翼，從過來，春過去。面頭前明明係熟事个田、个樹，做麼窗門外一坵一坵田，咻下過，電火柱一支一支乜閃下斯無？打卵退个屋舍，分個著驚，分個想噉無目汁，吾个搞伴、吾个朋友，毋見撇咧！血管膨脹、收縮，心臟怦怦跳，摠都個硬硬會失魂，一到一到飛對光線去，一回一回碰著光光个鏡面。個頭疤面疤，個著急，青驚个翼乜越拔越急，大聲咻、放聲噉，個還係跔在這冷颼颼个大箱肚，還悽慘哦！

瘰咧，吾翼也無力過拔咧，頓腳在窗門脣啟大氣，「媽，妳看，屎缸烏蠅呢，還得人畏哦！」一聽啊著，吾翼踈核垂落來，頭那越致探毋起，講個得人畏哇，實在傷個真深。記得無幾久進前，吾姆正阿腦個目珠大粒，圓身烏金又帶兜青色光，吾个靚，無人比得個著，但也試著已風神。麼人知正無兩日个好光景，噉分這細啞講「噁心」，致命个一句話，分個較仰脣都飛毋跔咧！

停腳在窗門框面頂，順下氣，定下心，個愛恤下，續落來愛仰脣正好。細阿俵同個對相，搞怪个目珠同個共款大嫫粒，律律轉乜會閃光，闊闊个嘴，像愛擘食人个樣。「哦！慘！死皺！」佢手巴掌弇落來，好得個閃恁拚，若無，十條命都毋罅合掛佢！

車廂肚人毋係已多，除撇這個攏屎棍擦手弄腳，嘿嘿滾吵死人外，大家都算恬靜。攏屎棍頭前係一個細俵同厥女朋友，兩儕目珠鬥共下看手機，不時還會極極滾緊笑，揣得出厥兩儕个感情毋會熾；頭那毛半白个老阿伯，一上車斯目弇弇，停動下都無；對面个細阿妹對緊手頂个細鏡，在該膏厥紅嘴脣。車肚个人，大勢頭犁犁晟核手頂个細機器，成半下手還滑無停，還會對核該東西微微笑講話。恁奇，敢講這斯係阿姆日愁夜愁个變款？佢講：時代無共款哩啲，落食个方式、食雜，乜愛踈核改變哦！個毋願加恤，還係遽遽想辦法離開這冷氣大箱較實疊。

作者：劉玉蕉

☆詞彙學習☆

- | | |
|-------------------------------------|------------------------------|
| 【落絡】log`liu`：本意是中圈套，引申為被某事物困住，無計可施。 | 【越致】rhe`zhi`：更加。 |
| 【魴神】mong`shin`：大自然之精靈鬼怪。 | 【擘食人】bag`shid`ngin`：把人大口吞食掉。 |
| 【剝影】dog`rang`：截斷影像。 | 【死皺】si`ziu`：慘了。 |
| 【拔翼】bad`rhid`：揮動翅膀。 | 【若無】na+ mo`：要不然。 |
| 【從過來】zong`go`loi`：快速的衝撞。 | 【合掛佢】gab`gua`gi`：應付他。 |
| 【春過去】zhung+ go`ki+：快速的撞過去。 | 【鬥共下】deu`kiung`ha`：集中於同一目標。 |
| 【怦怦跳】bog`bog`tiau`：快速的跳動。 | 【極極滾】kid`kid`gun`：形容咯咯的笑聲。 |
| 【著急】chog`gib`：與華語的「著急」同義。 | 【變款】bien`kuan`：改變。 |
| 【對相】dui`siong`：面對面互看。 | 【實疊】shid`tiab`：穩當、安定。 |